

J. Klapper, Beschwörungsformeln bei Gewinnung der
Wünschelrute (in Mitt.d.Schles.Ges.f.Vkde.VII(1905))

Heft 14, S.56f..

fol.15b. Alius modus.

[Introducitur virgula coruli.]

+ Gruess dich got schusling der mich vnd dich beschaffen hat auf dicz ertreich + Schusling du pist ermant In dem nome des vaters des suns vnd des heiligen geists das du alle dy kraft behalden seist dy mir vnd dir got verlihen hat auf disen erttern. Zu dem nome des Vaters + des suns + vnd des heiligen geists + Amen.

Das obgescr. sprich czu dem ersten mal vnd auch czu den lesten.

+ Herre in deinem nomen chum mir cze hilff der himmel vnd erd beschaffen hat, herre in deinem nome pit ich dich, herre in meiner not erhor mich vnd chum mir cze hilf. In dem name des vaters +++ etc. sprich 1 pater noster 1 ave maria.

+ here in deiner sterk werd ich nicht betrogen vnd pin dich vleissiklich anpetten das du mir sollichem czu hilff kombst vnd mir alle czu kunftige ding sagst, das wasser des arczt, silber vnd Gold czaigest. warhaftiklich vnd offenbarest durch vnsern herren Jes. Christum. Amen.

+ Ich beswer euch zueten pey dem vater vnd sun vnd des heiligen geist vnd pei der jungfreilihait der heiligen junkfraw marie vnd pey der cheuschait des heiligen ewangelisten sand Johans vnd pey dem gilauen der xij poten vnd auch der heiligen propheten vnd pey sterk der martirer pey der vestikait der peichtiger vnd jungfrawen das ir nit last ir chrieht an dy rechten stat des verporgen schacz, des wassers auch silber vnd gold durch vnsern herren ihm xpm. Amen.

+ Ich beswer euch zueten durch dy xxiiij seniores dy albeg sind vor dem anplick gots das ir nit last ir chrieht an dy rechten stat des verporgen schacz, des wassers etc. durch vnsern herren ihm xpm. Amen +.

+ Ich beswer euch zueten pey dem heiligen Jona-